

- ;Tita! ¿Jahuë quëscatiqui mëscó chíí coin joconai?
- Mëscóra joconyamai ;baquë! Jaa quënti-camëasr joconaihiqui srana tocoai. Srana-ra tocoai hompasr cobinasr bochiqui boai-tian. Quënticamëasr srana tocoaihiqui huishnin quëscá. Chíí coinra jascarama-hiqui.
- ¿Jahuë quëscatiqui srana tocoasr bochiqui boai?
- Jahuë quëscatamacan, nihuë quëscá hihuëma hicasr. Naican boasr jaquiribi maanai, moa jënë. Jaátian moa hoihiqui.
- ¿Jahuë quëscatasrqui maantihiqui? Nihuë quëscá hihuëmariqui.
- Ramara hën mia yoiái ;baquë! Jaa srana tocoasr bochiqui boai, matsi sënëñain. Huëtsatianra quëntí mapótiainoasr maanai, jënë. Huëtsatianra boai bochiqui, naican. Jahuëranóqui matsi sënëñai boasr, jainoasr tsincuitai jaa srana tocoa. Tsinqitasrsra moa jënë hicaí. Jascara hicasrsra moa jënë hihuë hicaí; nihuë srëhuina hihuë. Jascatasr moa hoi maanai.
- Hicasrbi, huëtsatian non hompasr cobin-yaamabi hoi bëai ;tita!
- Hicáma, ;baquë! Non quënticamëasr srana tocoa bochiqui boára hichátamashocohiqui. Jainoasrsra barin, nëtëtiibi sranaai, paro haniribi. Jainoasrsra hihcha hoi bëai.

San Martín Argentinainoasr picotahiqui,  
1778 baritia hiquétian.

Baquë hicasr, caáhiqui Españain. Jain-  
sron quirica hacáhiqui, sontárobaon coshi  
hinosron. Quimisha chonca chosco baritia-  
ya hicasr, Argentinaain joríbaahiqui.

Argentinainoasr españolobo bétan  
rètëananahiqui, Argentina jonibo srabacan  
picócannon hicasr. Españolon hapo hicon-  
huamacascanai jonibo potacananahiqui.

Jainoasr San Martín Chilenco joáhiqui.  
Chilenconiaribi Españolon hapo hiconhuama-  
cascanai jonibo potaribicanahiqui.

San Martiman honananahiqui, Perú srabá-  
ori picotamapari. Joáhiqui Peruanobo ha-  
quini, Españolon hapo hiconhuamacascanai  
jonibo potai.

San Martín Perúain joáhiqui, hicha  
buqueya, jainoasr hicha sontároyaribi.  
Liman nocotasrbi rètëananyamaparicana-  
hiqui. Jaa Españolon hapon quëënaibo moa  
Limamëasr picócanahiqui.

Jaátian 28 de julio de 1821 hiquétian,  
San Martiman yoiyahiqui:

Noa jonin Banderabiribi San Martiman hacá-  
hiqui.

Jaa joshin hoinsron non jimi shinantihiqui.  
Jaa jimi peruanobaon potaahiqui, noa  
srabáori picónon hisron.

Jaa josro hoinsron non matsi chorisha shi-  
nantihiqui. Jaa matsiriqui Andes manan  
masrcatën maana.

Rëtëananti Bandera naponbëconhiqui Escudo  
Peruano.

Min cuaderno mëran, noa Peruanobaon Bande-  
ra quëscáaquin huishahuë.

Min haibata joi jaquiribi haribahuë, 10  
pëinco pëosron hasta 13 pëi caman.

Himno Nacionalnin bëhuahuë.

1. ¿Jahuëranoasrqui joáhiqui Pizarro?
2. ¿Jainoasr joá maiqui jahuërato haninasinhiqui? bari joaiori.
3. ¿Jahuërato mainqui Pizarro joáhiqui?
4. ¿Jaa maiqui jahuërato haninasinhiqui? bari caiori.
5. ¿Atahualpa hicá pécáoqui, tsonqui hiboahiqui jaa Perúainoa jonibo?

1. ¿Tsonqui yoiáhiqui, jaa Perúainoa jonibo srabá napon hicá, moa españolo-baon téatima?
2. ¿Jahuëranoasrqui San Martín picóni?
3. ¿Jahuërato nētēn, jahuërato hosrē, jahuërato baritiaqui, San Martiman jascara yoini?
4. Min shinaman yoihuē, jainsron huisha-huē, Srabacaati Joi.

## Moátian Hiníbo Jaquiribi Honanti

Min cuadernonin huishahuë, nëno mia yocá-quëtian min yoitibo huishahuë.

1. ¿Tsoamëin hicáhiqui Manco Cápacnin papa?  
¿Tsoamëin hicáhiqui Lama Ocllon papa?
2. ¿Non joinbiribi hacáqui jahuëhiqui Inca?
3. ¿Jatíbianisrqui jahuëtii Inca hicáhiqui?
4. Quimisha Incan janë huishahuë.

1. ¿Tsoa joniboqui Américain japia?
2. ¿Europainoa jonibaonqui jahuë quëscá nato nëtë shinancanahiqui?
3. ¿Panchá o toronrin nato nëtë?
4. ¿Bari joai namamëa jonibaonqui honanni, América, bari cai naman hicá?

1. ¿Colomanqui jahuë quëscá nato nëtë shinanni?
2. ¿Tsonqui vapóroshocobo marosronahiqui?
3. ¿Jahuë janëqui hicáhiqui jaa vapórobo?
4. ¿Jahuëatiqui Américainoa jonibo Indio hacanai?